

## SAMÞYKKT

### um kattahald í Djúpavogshreppi.

#### 1. gr.

Kattahald í Djúpavogshreppi sætir þeim takmörkunum sem kveðið er á um í samþykkt þessari.

Samkvæmt lögum um dýravernd nr. 15/1994 fer Umhverfisstofnun með mál er varða dýravernd.

#### 2. gr.

Sveitarstjórn fer með umsýslu vegna samþykktar þessarar og getur ráðið sérstaka dýraeftirlitsmenn eða falið starfsmönnum sveitarfélagsins hlutverk dýraeftirlitsmanns. Þeir starfa í umboði heilbrigðisnefndar Austurlands.

#### 3. gr.

Kattahald í dreifbýli sætir að öllu jöfnu ekki takmörkunum. Þó getur sveitarstjórn, telji hún og héraðsdýralæknir brýna þörf á, takmarkað kattahald í dreifbýli.

#### 4. gr.

Þéttbýli er þyrping húsa þar sem búa a.m.k. 50 manns og fjarlægð milli húsa fer að jafnaði ekki yfir 200 metra, sbr. skipulags- og byggingarlög nr. 73/1997 með síðari breytingum.

Sveitarstjórn er heimilt að veita lögráða einstaklingum, sem búa í þéttbýli í sveitarfélaginu leyfi til að halda einn kött með ákveðnum skilyrðum. Leyfið er bundið við nafn og heimilisfang viðkomandi og er ekki framseljanlegt. Leyfið er einnig bundið við þann kött sem það er gefið út fyrir.

Sveitarstjórn skal halda skrá yfir ketti sem veitt er leyfi fyrir, þar sem fram koma upplýsingar um köttinn og eiganda hans. Skráin skal vera aðgengileg heilbrigðiseftirliti og dýraeftirlitsmanni, sé hann starfandi. Leyfi til að halda kött er háð eftirfarandi skilyrðum:

1. Um kattahald í fjöleignarhúsum fer að 13. t. A-liðar 41. gr. laga nr. 26/1994 um fjöleignarhús. Til að halda kött í fjöleignarhúsi þarf samþykki allra eigenda. Þegar hús skiptist í aðgreinda hluta nægir samþykki þeirra eigenda sem hafa sameiginlegan inngang, stigagang eða annað sameiginlegt húsrými. Óheimilt er þó að halda ketti í fjöleignarhúsum ef kattahaldið sannanlega veldur eða viðheldur sjúkdómum hjá íbúum.
2. Kattahald er óheimilt í íbúðum á vegum Djúpavogshrepps.
3. Köttur sem færður er til skráningar skal vera merktur varanlega með húðflúri eða örmerki skv. reglugerð um aðbúnað og umhirðu gæludýra og dýrahald í atvinnuskyni nr. 1077/2004. Eigandi kattarins skal strax að lokinni örmerkingu koma upplýsingum um númer örmerkis og nafn og kennitölu eiganda til sveitarstjórnar.
4. Leyfisgjald vegna kattahalds skal greiða árlega til sveitarsjóðs, skv. gjaldskrá sem sveitarstjórn setur og lætur birta í B-deild Stjórnartíðinda, að fenginni umsögn heilbrigðisnefndar Austurlands samkvæmt ákvæðum 25. gr. laga nr. 7/1998 um hollustuhætti og mengunarvarnir, með síðari breytingum. Gjaldið skal ekki vera hærra en sem nemur rökstuddum kostnaði við veitta þjónustu og eftirlit. Gjaldið skal greitt í fyrsta sinn við skráningu kattarins, og síðan árlega fyrirfram, fyrir febrúarlok

ár hvert. Hafi gjaldið ekki verið greitt innan tveggja mánaða frá gjalddaga fellur leyfið sjálfkrafa úr gildi.

Innifalin í skráningargjaldinu er ábyrgðartrygging. Eigandi dýrs ber kostnað af merkingu dýrsins, hreinsun o.þ.h.

Við greiðslu leyfisgjalds ber leyfishafa að framvísa vottorði dýralæknis, um að kötturinn hafi á undangengnum 12 mánuðum verið hreinsaður af spóluormum, og gögnum um örmerkingu dýrsins.

5. Auk örmerkis skulu kettir bera hálsól með upplýsingum um heimilisfang eiganda og símanúmer.
6. Óheimilt er að láta kött dvelja lengur en þrjú mánuði á heimili án þess að sótt sé um leyfi fyrir honum.
7. Ekki er leyfilegt að hafa fleiri en einn kött eldri en þriggja mánaða á sama heimilinu.
8. Gelda skal alla fressketti sex mánaða og eldri sem ganga lausir utandyra.
9. Leyfishöfum ber að taka tillit til fuglalífs á varptíma, eftir því sem tók eru á, t.d. með því að hengja bjöllur á hálsólar katta og halda þeim ávallt innandyra á nóttunni. Leyfishafa ber að hafa sandkassa fyrir köttinn á lóð sinni.

#### 5. gr.

Ekki má hleypa köttum inn í húsrými eða á lóðir sem fjallað er um í fylgiskjali 3 með reglugerð um hollustuhætti nr. 941/2002 né heldur húsnæði þar sem matvæli eru meðhöndluð. Slíkir staðir eru m.a.:

Heilbrigðis- og meðferðarstofnanir.

Skólar.

Lækna- og tannlæknastofur.

Sjúkrahús og aðgerðarstofur.

Vistarverur handtekinna manna.

Heilsuræktarstöðvar.

Íþróttastöðvar og íþróttahús.

Gæsluvellir.

Snyrtistofur.

Nuddstofur og sjúkraþjálfun.

Sólbaðsstofur.

Húðflúrstofur.

Samkomuhús, s.s. kirkjur, leikhús, hljómleikasalir, söfn og kvikmyndahús.

Gististaðir.

Veitingastaðir.

Sumarbúðir fyrir börn.

Um matvælafyrirtæki fer samkvæmt ákvæðum reglugerðar um matvælaeftirlit og hollustuhætti við framleiðslu og dreifingu matvæla.

#### 6. gr.

Eiganda kattar ber, eftir því sem framast er unnt, að sjá svo um að köttur hans valdi ekki hávaða, ónæði, óþrifnaði né óhollustu.

Ef köttur veldur nágrönnum eða öðrum ítrekuðu ónæði, óþrifum eða tjóni, þá ber eiganda eða forráðamanni að leita leiða til að koma í veg fyrir slíkt.

## 7. gr.

Sveitarstjórn er heimilt að láta veiða ketti í búr að höfðu samráði við Heilbrigðiseftirlit Austurlands í eftirfarandi tilfellum:

1. Ef köttur er ómerktur, hvort sem er með hálsól eða örmerki.
2. Ef ítrekað er kvartað undan ágangi katta á tilteknu svæði.
3. Ef köttur finnst innandyra hjá nágretta í leysisleysi, á öðrum óheimilum stað eða án tilskilins samþykkis í fjöleignarhúsi.

Meiriháttar föngun villikatta í þéttbýliskjörnum skal auglýsa með a.m.k. viku fyrirvara með tilmælum um að heimilisköttum sé haldið innandyra.

Kettir, sem fangaðir eru skv. 1. tl. og kettir sem haldnir eru í fjöleignarhúsum, án samþykkis meðeigenda/íbúa, sbr. 1. tl. 4. gr., skulu færðir í sérstaka kattageymslu, sem heilbrigðiseftirlit og Umhverfisstofnun hafa gefið leyfi fyrir, skv. reglugerð nr. 941/2002 um hollustuhætti. Öðrum köttum skal sleppa lausum, en eigendum eða umráðamönnum tilkynnt um handsömunina og ástæður hennar. Komi ítrekað til handsömunar á ketti vegna ónæðis telst það vera brot á 6. gr. samþykktar þessarar. Köttur, sem hefur verið handsamaður ítrekað, skal færður í kattageymslu.

Tilkynna skal eigendum ef merktir kettir eru teknir úr umferð. Ef köttur er fluttur í kattageymslu skal eigandi hans greiða handsömunar-, fóður- og vistunargjald skv. gjaldskrá um kattahald í sveitarfélaginu, áður en hann er afhentur á ný. Sé köttur ekki örmerktur skal eigandinn fá beiðni sem nýta má hjá dýralækni til greiðslu fyrir örmerkingu áður en hann fær köttinn afhentan á ný. Ef eigandi vitjar ekki kattarins innan viku, er heimilt að farga kettinum án frekari fyrirvara. Kattareigandi ber allan kostnað af handsömun, vörslu, fôðrun og aflífun, ef til hennar kemur.

Ef ekki er unnt að bera kennsl á kött með örmerki eða með merkingu á ól skal auglýsa eftir eiganda hans. Gefi eigandi sig ekki fram innan sjö sólarhringa frá birtingu auglýsingar er lögreglu eða dýraeftirlitsmanni heimilt að láta lóga viðkomandi ketti án frekari fyrirvara.

## 8. gr.

Vegna brota á samþykkt þessari vísast til VIII. kafla laga nr. 7/1998 um hollustuhætti og mengunarvarnir.

Um valdsvið og þvingunarúrræði vísast til VI. kafla laga nr. 7/1998 um hollustuhætti og mengunarvarnir.

Leyfishafa er skylt að greiða kostnað sem leiðir af brotum á samþykkt þessari.

## 9. gr.

Samþykkt þessi staðfestist hér með skv. ákvæðum 25. gr. laga nr. 7/1998 um hollustuhætti og mengunarvarnir og öðlast gildi við birtingu.

*Umhverfisstofnun, 1. október 2008.*

F. h. r.

**Sigríður Auður Arnardóttir.**

*Sigurbjörg Sæmundsdóttir.*